

Anteo (Ĉinujo)



akcidentaj okazaĵoj

manĝante pomon, mordis mi la langon.
en kliniko kuracisto ridis jen senĉese:
ĉu pro la franca kisado kun la...? ne?
antirabian likvon injekti — necese.

2012.11. 8 - 11

danke al gas-kono

la oreloj al mi zumas.
tion mi prenas por ĉielaj tondroj.
ombrelo necesas?
balonoj pluas en la vidon.

2012.11. 8 - 2

**gaskon/o* 1 Loĝanto de Gaskonio. 2 (f pro ark. Tradicio)

Fanfaronulo. (PIV)



URINOREO

la akvo fluis el la krano dorma
kaj etendiĝis de la lito al la murpiedoj.
domtremo. mi vekigis kun konsterno.
feliĉege la ur-ino ĉe mi ronronis plu seka.

2012.11. 9 - 4

**ore/o* [medi.] Troa produktado k/aŭ senvola ellaso de organisma likvo: salivoreo, spermoreo, urinoreo = enurezo.

***ur/o* [zool.] Sp. de bovo *Bos primigenius*, SIN. *Bos urus*, formortinta antaŭ kelkcent jaroj, de kiu devenas ĉiuj rasoj de domaj bovoj: la grizbarba uro hirtigas kolhararon G. PIV

aŭtuna ekskurso kun gejunuloj

frapas la pluvo primavera
sur la aŭtunan kranion,
igas min senti vintran glacian
kaj sopiri al fajro somera.

2012.11.10

Paŭlo Silas (Brazilo)



SENFINA KONFORMIĜO

Psiko pasinta svenas ĉimomente.
Intaj ligiloj havis ĝi tro da.
Provas viviĝi nova sistem' de
Penso sen mensa nodo malnovmoda.

Falo fatala staras evidente.
Fini fiksitan formon kun klopod' al
Vek' de l' pli pova prava hompretend' el
Ĉiuj celantaj ŝanĝon periodan.

Voĉoj alternas orde, harmonie;
Tamen ankoraŭ laŭte, plorokrie,
Utopiec' alvokas la perfektan;

Volas nuligi dubon kaj malcerton,
Fari fekunde viva ĉiun tagon
L' ekspluatitan akvomankan agron.

RIBELA IDO

La Terpatrino dum akuŝdoloro
 Ion antaŭsentis kun rezigno:
 Progres' kontraŭa al Natura volo
 Nur malbonon kreas, ne la dignon.

Eliros trafe al la sino, koro,
 La rustita spado el la ingo.
 Ŝi ploros pardon de patrino rolo
 Kvazaŭ tranĉis ankaŭ ŝin la klingo.

Vana provo teni ĝin en paco.
 Bedaŭr' en daŭra kontraŭflua vojo.
 Ĉu pentri belon sur statu' el vakso?

Flugi ĉirkaŭ ĉiamvolva akso.
 De l' Infer', sidiĝ' en pordosoĵlo.
 Ripeti peton: utopia paco.



Maria Nazaré Laroca (Brazilo)



Enamiĝo

Enamiĝo estas poetiĝi,
 la sunon bridi, stelojn ŝteli
 kaj ebriigi la lunon, ĝin volante
 juvel' unika de l' muz' plej amata .

Enamiĝo estas malfariĝi,
 inaŭguri l' abismon, adoleski;
 kaj pro tia sorĉaĵo malsaniĝi
 levite de l' teksaĵ' de l' estontec.

Enamiĝo estas plonĝi en spegulon
 teksante la onton el la sento.

Ĉarm' estingita: sorto konstruata

Denove en karcero spontanea...
 La amo velkas; ne la enamiĝo:
 pli ol stato - jen vivoatestilo!

Juiz de Fora, la 5-an de Novembro de 2014.

Lotusfloro

Serĉante lumon,
 floras lotusfloro
 sur akvo ŝlimeja.

Kvazaŭ perloj,
 brilaj akvaj gutoj
 forglitas de l' folioj,
 kiuj ĉiam puras.



Mia anim' sopiras
 al la nobleco humila
 de l' lotusaj floroj,
 kiuj marĉon lumigas
 per servad' al Dio.

Juiz de Fora, 12/11/2014.

Mori (Usono)



AFORISMe (3)

Amiko de l' homo
 kun la menso de vulpo
 kaj koro de lupo
 baldaŭ trovos sin
 en lia supo!

Loĝantoj sur Paradiza insulo
 en fora ĉielo
 rigardante al la Tero
 deklaras, rigardu, vidu
 tie estas la Infero!

Dum troviĝas azenoj
 kaj muloj,
 troviĝas ankaŭ
 rajdemuloj!

Bestoj forpelis homon
 el ĝangalo,
 ĉar homo tie estis
 la plej sovaĝa animalo!

Kia via mem-imago
 en via koro,
 tia via vivo
 sur la tero.

Dum la mondon regas
 mon' kaj kapitalo,
 homoj vivas
 laŭ l' leĝoj de l' ĝangalo.



Cezar (Germanujo)



*La morta birdo
 Lante petas vin...*

Mi, la morta birdo Lante, petas vin,
 ke vi ne rapidegu tiom!
 Ĉar ankaŭ birdoj tiaj
 kiaj mi volas vivi,
 senti ĝojon kiel vi.

Estu ĉiam

atentema!

La alia en tiu kazo
 ja troviĝos.

Kaj, se vi denove
 furioze ekrapidegos,
 tiukaze tuj haltu,
 metu la aŭton
 al la vojrando
 kaj observu nin,
 la birdojn, kaj
 niajn amikojn,
 la nubojn.

Flugu kun ni,
 kun nia sopiro,
 tute sen hasto.



Utila imago

Imagu,
 ke vi sidas en domo malnova
 sur trivita pluŝsofo
 kaj kun la rigardo al kurbigita
 blanke lakita ferolito.
 Iu ĝuste forŝaltas la sunon
 kaj alia alvenas kaj tranĉas
 la koron el via brusto,
 viro, kiu trovas ĝin plezuro
 poste montri al vi la tranĉilon,
 kaj sur manplato vian koron,
 kiu batas ankoraŭ.

Imagu,
 kiel vi miras pri tiu viro,
 kiu havas falsan dentaron kaj aspektas
 kiel la ludomastroj
 en la tv-elsendaĵoj.

Vi devus esti morta delonge,
sed vi vivas plu kaj plu...

Imagu,
ke kreskas sur la vizaĝo de la viro
subite felo kaj, ke liaj okuloj
fariĝas strioj.
Kaj kaputa sondiskilo
komencas ludi:
"Mi la fraŭlinon Madlejn'
vidis sen pen'
en ban' ... krk ... pro ben'.
en ban' ... krk ... pro ben'.

Imagu,
ke vi havas spegulon ĉe vi
kaj vi tenas la spegulon al la monstro,
kaj la monstro ridas kaj ridas,
ridas kun via koro en unu mano
kaj la tranĉilo en la alia mano.
Kaj la kaputa sondiskilo grate turniĝas:
Videblis suroj jen,
nudban-scen'...
suroj jen,
nudban-scen'.

Imagu, kiel la viro kun la falsa dentaro
aliras vin kaj vin tuŝas
per siaj spongecaj manoj,
kaj vi estas rigida kiel pupo,
kaj li ĵetas vin simple de la pluŝsofo
kaj vi kuŝas kun la rigardo
al la kurbigita ferolito
kaj la sondiskilo grate turniĝas
kaj la sondiskilo grate turniĝas
kaj la...

Imagu tion al vi,
ĝi povus esti utila por vi.



Jadranka Miric (Serbujo)



Januara ĉielo

Vintra kaprico.
De frosta neĝa veter'
ĝis aprilvarmo.

Ĉiel' severas.
Nuboj vagas en ĉiel'
ventbalaitaj.

Ruĝiĝis ĉiel'.
Estos suna vetero,
laŭ tio ..Venta.

Nuboj malaltaj.
Ventokoko turniĝas
sudokcidente...

Trompa ĉielo..
.La vetero varias
Vintro vulpinas..

Siv Burell (Svedujo)



Rubaĵo

Rubaĵoj por vi,
memoroj por mi,
rubaĵo por mi,
grave por vi.

Objektojn ni gardis,
kiuj ŝajnis antikvaĵoj,
sed gefiloj ne ardis
zorgi pri "relikvaĵoj".
Nur tempo al ili mankas.



Ilustraĵo de la aŭtorino

Ni nin mem punas
Kaj ne bone juĝas pri valor'.
Ne ĉiu "antikvaĵo" al valoro kunas,
Do ĵetu la rubaĵon kun fervor'.

Marcus Vinicius de Moraes*

Apartiga soneto

Tutsubite, la rid' iĝis plorŝiro,
brumece blanka ploro kaj silente.
La buŝkuniĝo ŝaŭm' iĝis tradente,
kaj ĉe l' streĉo de l' manoj ekis miro.

Tutsubite, la kvieton postis vento,
kun viŝo al l' okula lasta flamo.
El la pasi' naskiĝis antaŭsento,
kaj jam incide al ĝi ekis dramo.

Tutsubite, ne pli ol tutsubite,
iĝis tristo kio iam amoris,
kaj senhelpe kio statis ekscite.

La kunpartiĝanto nun fride foris,
la viv' iĝis fuŝ', plene sensaporis.
Tutsubite, ne pli ol tutsubite.

** Marcus Vinicius de Moraes (1913 - 1980) I.a. li estis brazila diplomato, poeto kaj teatra aŭtoro. Ĉi soneto ankaŭ iĝis konata en mia lando kiel kanzono muzikigita de Tom Jobim (endiskigita de ĉi lasta en duopo kun Elis Regina)*

Esperantigis



Ŭel Roŝa (Brazilo)

Zhuangzi (369-286 a.K)



Zhuangzi

ĈAPITRO DUA

La egaleco de ĉiuj estaĵoj

§02-01

Nanguo Ziqi sidis sin apogante al tableto.
Li rigardis supren al la ĉielo kaj milde spiradis
kun tute senesprima mieno, kvazaŭ lia animo
forlasus lian korpon.

Lia disĉiplo Yancheng Ziyong, kiu staris
servopreta apud li, diris: "Kio nun estas al vi?
Ĉu vere la korpo povas fariĝi kiel sekiĝinta
ligno, kaj la menso kiel mortinta cindro? Vi
nun, apogante vin al la tableto, aspektas ne tiel
same, kiel antaŭe!"

"Yan," diris Ziqi, "tre bona estas via
demando!" Ĵus mi perdis min. Ĉu vi tion
komprenas? Vi aŭdis pri la homa muziko, sed
ne pri la tera; vi eble aŭdis pri la tera, sed ne
pri la ĉiela, ĉu?"

"Bonvole," diris Ziyong, "donu al mi
klarigon pri ĉi tiuj tri."

"La spiro de la universo," diris Ziqi,
"estas nomata la vento. Ifoje ĝi estas neaktiva.
Kaj kiam ĝi leviĝas, sonoj koleraj eliĝas el
ĉiuj aperturoj. Ĉu vi ne aŭdis la kreskantan
ventomuĝon? Sur altaj montoj staras gigantaj
arboj kun aperturoj kaj kavoj en si, kiuj
similas naztruojn, buŝojn, orelojn, trabotruojn,
pokalojn, pistujojn, lagetojn, kaj flakojn. La
vento impete blovas en ilin, estigante la
sonojn de akvotorento, de siblantaj sagoj, de
laŭtvoĉaj riproĉoj, de spiroj, de krioj, de ploro,
de profunda lamento, de kortranĉa veado. El
tiuj sonoj iuj estas akraj, iuj profundaj.

Ventetoj naskas malfortajn harmoniojn, ventegoj fortegajn. Post kiam pasas la furiozaj ventoblovoj, la aperturoj malpleniĝas kaj senbruiĝas. Ĉu vi ne iam vidis la fleksiĝojn kaj tremadon de la branĉoj kaj folioj?”

“La tera muziko,” diris Ziyu, “estas la sonoj el diversformaj aperturoj; la homa estas la sonoj el diversaj ŝalmoj kaj flutoj. Kio do, permesu al mi demandi, estas la ĉiela muziko?”

“La ĉiela muziko estas la sonoj de la sama vento, kiu igas miriadojn da aperturoj produkti diversajn sonojn. Ĉiu aperturo eligas sian apartan sonon. Kiel do povus ekzisti io alia, kio estigus tian muzikon?”

§02-02

Granda sciado estas vasta kaj ampleksa; malgranda sciado estas nekompleta kaj limigita. Granda parolo estas pompa kaj potenca; malgranda parolo estas ne pli ol babilo. Kiam oni dormas, la animo estas en konfuziteco; kiam oni vekigĝas, la korpo estas en moviĝo. En la rilatoj interhomaj estas komplotoj kaj intrigoj, kaj ĉiutage okazas menso-kontraŭ-mensaj luktoj. Estas hezitemo, insidemo kaj rezerviĝemo. Malgrandaj timoj kaŭzas turmentan maltrankvilon, grandaj timoj senfinan teruron. La menso de iuj flugas kiel sago, cele al alies pravo kaj malpravo. La menso de aliaj restas firma, kiel silentema ĵurinto, por gardi siajn rajtojn akiritajn. La menso de iuj velkas kiel planto en aŭtuno kaj vintro, plikonsumiĝante kun ĉiu tago. La menso de aliaj dronas en sia aktiveco kaj ne povas reveni al sia naturo. La menso de ankoraŭ aliaj hermetike enfermas sin en sia memo; ĝi estas proksima al morto kaj neniel povas revigliĝi.

Ĝojo kaj kolero, malĝojo kaj plezuro, maltrankvilo kaj bedaŭro, kaprico kaj decidemo, facilanimeco kaj trosenĝeneco, patoso kaj afektemo: ĉio ĉi tio venas kiel muzikaj sonoj eliĝantaj el malplena tubo, aŭ kiel fungoj elkreskantaj el varmo kaj humido.

Tage kaj nokte ili alternas interne de ni, sed ni ne povas diri, kiel ili naskiĝas. Ba, lasu! En la momento, kiam ni atingos la ekkomprenon, ni povos tuj eltrovi, kiel ili estiĝas.

Sen la emocioj supremenciitaj ne ekzistus mi, kaj sen mi ili ne povus esti esprimitaj. Tio ŝajnas vera. Sed mi ne scias, kio ilin kaŭzas. Ŝajnas, ke ekzistas efektiva Sinjoro, sed estas nenia signo de Lia ekzistado. Oni povas kredigi al ni, ke Li ekzistas, sed ni ne vidas Lian formon. Eble Li havas efektivecon, sed nenian formon.

§02-03

La cent partoj de mia korpo, kun ĝiaj naŭ aperturoj kaj ses visceroj, estas kompletaj ĉiu en sia loko. Kiu el ili do estas la plej kara al mi? Ĉu ili ĉiuj egale plaĉas al vi? Aŭ ĉu plaĉas al vi unuj pli ol la aliaj? Ĉu ili ĉiuj estas servistoj? Ĉu ili, kiel servistoj, ne povas regi unuj super aliaj? Ĉu ili fariĝas regantoj kaj servistoj laŭvice? Ĉu ekzistas iu vera reganto inter ili? Koncerne ĉi tiujn demandojn, tute egale, ĉu ni povas alveni al ĝustaj respondoj aŭ ne, la realeco de iu reganto, se tia ekzistas, restas la sama sen pliigo aŭ malpliigo.

Post kiam ni ricevas la korpan formon, ĝiaj partoj ne ĉesas plenumi ĉiu sian funkcion, ĝis venas la morto. En konflikto aŭ harmonio kun mondaj estaĵoj aŭ aferoj, ili sekvas ĉiu sian vojon kun rapideco de galopanta ĉevalo, kaj ne povas esti haltigitaj. Ĉu tio ne estas bedaŭrinda? Ĉu el ni konstante penlaboras dum sia tuta vivo, ne vidante la frukton de sia laboro; laca kaj elĉerpita, li ne scias, al kia celo iri. Ĉu tio ne estas plorinda? Oni diras, ke la homo povas esti senmorta. Sed kian utilon havas tiu ĉi senmorteco? Kiam la korpo putras, la samo okazas ankaŭ al la spirito. Ĉu tio ne povas esti lamentinda? Ĉu la homo estas tiel malklarmensa dum sia tuta vivo? Ĉu mi estas la sola, kiu estas malklarmensa, dum troviĝas aliaj, kiuj ne estas tiaj?

02-04

Se oni devas esti gvidata de siaj opinioj,

kiu do ne havus tian gvidon? Opiniojn havas ne nur tiuj, kiuj scias distingi la pravon de la malpravo kaj teni sin je ĝi, sed ankaŭ tiuj, kiuj estas malsaĝaj. Se oni penas fari distingon inter la pravo kaj la malpravo antaŭ ol havi sian propran opinion, tio estas tiel absolute neebla kiel tio, ke oni iras hodiaŭ al la regno Yue kaj tamen jam alvenis tien hieraŭ. Tio signifas, ke oni prenas la eston por la neesto. Tiukaze estus neeble eĉ por la saĝa reĝo Yutjon kompreni, des malpli por mi.

Elĉinigis



Wang Chongfang (Ĉinujo)

Ĉineske

Vejdo (Ĉinujo)



Gruo kaj konko

ĉina antikva fablo
—laŭ ĉinesko Sopir-al-sudo*

Sur strando
jen kun valvoj du
malfermitaj la konko
sunumas sin kun plenĝu'
sen ajna enu'.

La gruo
gvatas avide
je ŝia franda karno.
Li alflugas rapide
ŝtele inside.

Abrupte
per tuja movo
li pinĉas ŝian karnon

firme kun beka ŝovo
— rekta manovro.

La konko
tuj fermas bate
siajn du valvojn strikte,
la bekon senkompatemordas malŝate.

La gruo
diras cinike:
“Se ne pluvos hodiaŭ,
nek morgaŭ tutefike,
jen vi panike

timtremos
je venanta mort'
pro la manko de akvo,
elĉerpiĝos via fort'
laŭ l' malbona sort'.”

Replikas
la gruo ruze:
“Se mi ne forlasas vin
en du tagoj rifuze
kaj malekskuze,

vi mortos
triste mizere
pro manko de manĝaĵo
kaj malsat' vin infere
molestos vere.”

Ili du
ne volas cede
kompromisi unue
sed nur disputas plede
ve, senrimede.

Fiŝisto
aliras ŝtele
forkaptas ilin ambaŭ.
Kiel agas malbele
ili kverele!



Ilustraĵo de Tatjana Ĥomjakova

2015-01-17

Eto (Ĉinujo)

Vento en vintro

—laŭ ĉinesko Sopir-al-sudo*

Vent'
vintra en frosta ferment'
ekblovas
el la firmament'.

Son'
ulula per akra ton'
surdigas
en brua impon'.

Vip'
dura batas en disip'
malvarme
jen ĝis homa rip'.

Hom'
kaŝiĝas cede en dom'
kontraŭ ĝi
kvazaŭ frid-fantom'.

Ve,
homojn al cerba pane'
ĝi pelas
sen bona ide'.

*Sopir-al-sudo: ĉina fiksfirma poemo el kvin versoj de 35,77,5
silaboj laŭ rimaranĝo xa,xa,a (x=senrima).

Lily (Ĉinujo)

Sur herbejo

—laŭ ĉinesko Dekses-Silabo*

Lun'
brilas super herbej-dun',
nin tentas
la herboj de jun'.

Vent'
friska el la orient'
ekblovas
je nia kontent'.

Ni
jam kisas nin kun pasi'
korp glue
tute en ebri'.

Sub
atak' amsenta sen dub'
humidas
suke mia pub'.

Ĝem'
aŭdiĝas pro korpa trem'
komforte
ĉe vira ekprem'.

Tir'
forta kuŝigas sen dir'
min dorsen
sur herbojn sen spir'.

Li
agas krude en mani'
langlekas
min kun softa kri'.

Jen
li palpas per man-promen'
jen knedas

mamojn de plenplen'.

Jam
mi molas pro seksa flam'
senforte
sur herba tatam'.

Nun
ni tute nudaj en kun'
tordiĝas
en stringa brakum'.

Kac'
erektas dure sen lac'
simile
al krab-karapac'.

Suk'
mia kvazaŭ laŭ konduk'
fluetas
per tub' de kaŭĉuk'.

Flam'
volupta kiel cunam'
eksplodas
el muĝa dinam'.

Sur
mi pezas li en murmur'
kun kaco
en mi kun plezur'.

Kri'
laŭta ŝprucas en seri'
pro piŝtad'
mania de li.

Du
ni tuj kolapsas sen bru'
senmove
ankoraŭ kun ĝu'.

For
ŝvebas ĝemkri' en amor'

en aer'
post pena labor'.

**Dekses-Silabo: ĉina fiksforma poemo el kvar versoj de 1, 7, 35
silaboj, laŭ rimarango a,a,xa (x=senrima)*

Guram Svanidze

Socia darvinisto

De iu tempo mia konato Gija similis laŭ mia opinio unu individuon – amiko de mia najbaro Griŝa – Viktoron.

Griŝa¹ rigardis Viktoron kiel ian *guru*². Post alveturo el Moskvo li rakontis nur pri Viktoro. Interalie Griŝa estis pli aĝa ol Viktoro, sia samkursano en Moskva Ŝtata Universitato, je du jaroj.



Ilustraĵo de Tatjana Ĥomjakova

Mi memorfiksis unu epizodon. En ilia universitata medio unu junulo mortigis sin. Konspirante ridetante Griŝa rimarkis, ke li havas iajn suspektojn. La malfeliĉa homo havis malfortan karakteron. En aĝo de 19-20 jaroj li konsideris sin kiel senesperan malsukcesulon, malbone vestis sin kaj ne zorgis sin. Forta kaj celkonscia Viktoro rilatis al li tre severe. Post ilia interparolo la junulo fine konvinkiĝis, ke li estas taŭga por nenio homo.

Griŝa rakontis, ke *guru* kelkfoje parolis, ke li interkomunikiĝas kun Griŝa kiel kun malsukcesulo pro profito. Tiel infantinoj de hispana kortego ĉirkaŭis sin per kripla

servantaro aŭ aperis en ĉeesto de homoj kun dresitaj cerkopitekoj, por ke laŭ kontrasto kun ili elstaru per sia beleco. Kiel parolis Griŝunja (tiel nomis lin Viktoro) en tiu momento li volis ĵeti sin sub veturantan aŭton.

Cetere tiujn rakontojn mi perceptis ne serioze. Mia najbaro en Moskvo en “prestiĝa” (laŭ liaj diroj) kompanio glutis kelkajn tablojdojn (“por tonuso”). Okazis nerva atako. Gregorion oni forveturigis reen al hejmo, al Tbiliso, por ke li “ripozu post lernado”.

Ĉar li estis snobo, li malbone atestis homojn. Sed troviĝis unu junulo, pri kiu li diris favore. Trakalkulante liajn kvalitojn Griŝa speciale rimarkis:

– Mi estas certa, ke li ne okupas sin pri onanismo.

Mi ne povas juĝi, la “glora” epizodo estas normo en biografio de Viktoro aŭ ne. Sed por Gija tiaj diroj estas regulo. Oni plendis kontraŭ li: li iĝis kruela. Multfoje estis okazoj, kiam li senkompatate riproĉis diversajn “malsukcesulojn”. Feliĉe tio okazis sen seriozaj sekvoj.

– Por kio kompati malsukcesulojn?! – Gija diris al mi per telefono. En sama telefona interparolo li diris, ke li estas malamiko de maldekstruloj kaj sindikatoj. “Ili dorlotas malsukcesulojn!”

Foje mi kaj Gija venis en parlamento laŭ aferoj. Apud ĉefa enirejo staris du grandaj viroj, ili havis simplan aspekton, laborumajn manojn, laŭ tiu okazo festan, laŭ ilia opinio, veston. Mi rekonis ilin kiel famajn metalurgojn el urbo Rustavi. Ili estis perpleksaj, eĉ ordenoj iel deflankiĝis. Ilin neniu akceptis. La viroj komencis kompreni, ke tempo ŝanĝiĝis, kaj ili jam ne ĉefa klaso kaj venis en alia parlamento. Unu el ili ne eltenis kaj ekploris, li diris, ke li estas malsata de hieraŭa tago, ke jen dum 9 monatoj ne estas laboro. Ofendo turmentis lin. La alia staris faltinte frunton. Ili dum tuta vivo laboris apud ferfanda forno, fandis metalon...

– Leĝoj de merkato estas justa. Ili dislokis ĉion al siaj lokoj, – subite mi ekaŭdis rimarkon de Gija.

Mi memoras, ke Griŝa parolis pri sia amiko-mastro kiel pri alta bela juna homo. Laŭ tiuj kvalitoj Gija ne similis al Viktoro (al Viktjunja, kiel mi nomis lin, kiam mokis al Griŝunja). Dum spektaklo en Tbilisa televido, en kiu li partoprenis, okazis amuza evento. Oponanta kontraŭ li pastro-retrospektivulo dum disputo diris kiel argumenton, ke novajn moralajn valoraĵojn en lando disvastigas sinjoroj kun tre malbelaj fizionomioj. Dum tio pastro montris al Gija kaj diris:

– Mi ne kontraŭas al ĉiu fizionomio aparte, sed mi parolas pri tendenco.

En respondo oni akuzis pastron en rasismo. Oni diris al li per kategoria tono, ke tiaj “fiobstinaj” kiel li malhelpas konstruadon de liberala demokratio en lando. Kiel mi eksciis, dum muntado de la spektaklo oni forigis iujn epitetojn de la pastro, kiujn li adresis al Gija. Verŝajne pro ŝparado. Mian konaton oni nomis “la dikviandan” (pro lia dikeco). Ankaŭ oni parolis pri lia rideto. “Li ne insultas, sed li havas tre venenan rideton”, – diris pri li oponanto. Ĵurnalisto el opozicia gazeto daŭrigis tiun temon kaj rememoris rideton de ... Ĝokonda³. Estas en ŝi io dusenca, virino pene kaŝas en si sarkasma elemento. De iu tempo en televido oni ĉesis montri plej skandalajn personojn. De ekrano malaperis neplibonigeblaj arogantuloj el reganta partio, kelkajn sinjorino-histeriulinoj kaj ankaŭ Gija. Tiel fari konsilis al registaro okcidentaj specialistoj pri kontaktoj kun socio. Specialistoj diris, ke ili ne devas reprezenti regantan rondon kaj ne povas dekori televida etero.

Verŝajne Gija fieris pro sia kariero kaj rigardis sin kiel “*self-made man*”-on⁴. Li suferis en juneco en malriĉa familio, sed nun li jam profesoro en universitato. En unu gazeto li gvidis rubrikon. Jen kie plene aperis lia

sarkasma karaktero! Ial oni pensis, ke li verkas analizajn artikolojn, sed fakte li verkis filipikojn. Oni devis fari diferencojn inter lia deziro objekte juĝi pri objektoj kaj absorbanta pasio de “analizisto” moki ajnan eventon.

Mi scias personon, kiu admiris karieron de mia konato. Tiun personon ĝis iu tempo oni oficiale rigardis kiel filozofon, li laboris en instituto. De tien oni forigis lin. Li faris teorion de “kakismo-ekskrementismo”. Tiu teorio havis sian hierarkion de ideoj. En supro estis kategorio “*kakis kaki*” – “merdo merda”, sub kiu li subkomprenis difinitan plej altan oficistan personon en ŝtato. “Unikecon” de Gija tiu filozofo ekvidis pro tio, ke en Romo li persone renkontiĝis kun fama itala verkisto. Gija, studento el Kartvelio, rakontis al verkisto pri gepatra Mengreljo⁵. Post tio leksiko de verkisto pliriĉiĝis per mengrelaj vortoj.

Filozofo rakontis al mi, ke renkontiĝis kun Gija en kompanio de pompa sinjorino.

– Li prezentis min kiel homon, kiu forte influis lian spiritan kreskon, – filozofo diris. Dum tio falintan en malfavoron filozofo konfesis, ke ne komprenis, ŝercis aŭ serioze parolis lia kamarado kun rideto de Ĝokonda.

Ŝajnus, de kiu tia mizantropo de mia konato? Sed ja Gija estas teologo. Li staĝis en Vatikano. Oni povas supozi, ke prediko de dia vorto ne estas devo de teologo. Teologo simple povas scii ĝin. Sed kiel li apartiĝis de teologio kaj absorbiĝis pri trofiero?!

– Ĉu Gija estas ateisto? – mia kunparolanto konjektis. Ni, tri kunlaborantoj, manĝis pelmenojn kaj drinkis bieron en kafejo priparolante nian ĉies konaton. La alia rimarkis:

– Tio estas amuze. Sed plej probable li simple estas sociala darvinisto. Tamen malgraŭ tiu cirkonstanco li devis esti singarda kaj ne moki homojn demonstre.

Tie en kafejo mi ekmemojis pri Griŝunja

kaj Vitjunja. En respondo mia kunlaboranto rakontis pri unu virino laŭ nomo Ketevan. Li trovis ion komunan inter ŝi kaj Gija. Ketevan gvidis ian usonan oficejon en Tbiliso. Tiu virino sufiĉe karikature plantis usonan stilon inter siaj subuloj. Ekzemple li postulis “teni rideton” (*keep smiling*). Dum tio ŝi ne ordis siajn dentojn.

– Por ŝi kiel por Gija ne estas pli insulta vorto ol malsukceso, – kunlaboranto rakontis. – Foje dum amikvespero je taso da kafo fraŭlaj sinjorinoj priparolis fraŭlajn virojn. Ili eksciis, ke mortis iliaj ĉies konato. “Ja mi parolis, ke li estas tipa *loser*!” – Ketevan malestime komentis. Interparolo estis en kartvela lingvo, sed ĉefan vorton ŝi diris en la angla. Aliaj samaj usonigitaj sinjorinoj reagis pli diskrete kaj limitigis sin per rimarkoj: “Kiel komplete!”, “Kompatindulo ne havis feliĉon!” Bonokaze Ketevan estas maljuna virgulino, malbelulino kaj stultulino. Foje ŝi veturis al vilaĝo kaj post reveno ne kaŝis, ke ne baniĝis dum 10 tagoj...

Poste ni diskutis. Evidentiĝis ke en kartvela lingvo ne estas ekvivalento de rusa vorto “malsukceso” kaj la usona “*loser*”. Certe tio ne signifas, ke ĉiuj en Kartvelio estas destinitaj al sukceso. Ni parolis, ke venis nova tempo, venis novaj moralaj valoraroj. Ĉe usonanoj honte esti *loser*, kaj tio estas kompreneble. Usono estas lando de egalaj eblecoj, oni devas uzi ilin. Kvankam estas ne kompreneble, kio kunligis usona “*loser*” kaj rusa “malsukceso”?

Tamen estus ne juste enigi lin kaj ŝin en unu kompanio. Gija estas pli klera kaj pli saĝa. Ekzemple li gvidis seminarion pri “Dia komedio” de Danto en universitato. Senpage. Foje mi estis en lia leciono. Komence Gija laŭtleĝis tekston en itala lingvo kaj poste en la kartvela. Foje la lektoro rakontis pri rondo de infero, kie estis gejoj. De ĉielo falis fajraj flokoj kun dimensio de neĝeroj. Ili brulvundis pekulo-gejojn, ili konstante devis desvingi

